

Ná dagat go galggat jienastit:

Girkoválggain leat guokte válgga. Válljet searvegodderáđi ja válljet bismagodderáđi ja Girkočoahkkima. Buot jienastanbáikkiin galgá leat báiki gos don beasat sierra, nu ahte earát eai oainne, válljet daid jienastanlihpuid maid háliidat ja dahkat rievdadusaid. Sáhttá ovdamearkka dihte leat gokčojuvvon jienastančiehkka dahje sierra latnja.

Jienastančiehkka

- 1** Vállje jienastanlihpuid maid áiggut geavahit, ovttá guđege válgii. Sáhtát jienastit dušše nuppi dahje goappašat válggain.
- 2** Daga vejolaš rievdadusaid jienastanlihpuin
- 3** Máhco jienastanlihpuid nu ahte earát eai oainne maid don leat jienastan.

Válgadoaimmaheaddji luhte

- 4** Don fertet čájehit legitimašuvnna. Válgadoaimmaheaddji russe du nama jienastuslogus ja steampilastá jienastanlihpuid. Fuomáš! Jienastanlihpuin galgá leat steampil ovdal go dohkkehuvvojit.
- 5** Bija jienastanlihpuid jienastanlihtái.

Rievdadit jienastanlihpu

A

A Don sáhtát addit jienastanlihpu sisa almmá rievdadusaid haga. Evttohasat mat leat bajimusas listtus buoiddes čállagiin ožžon jietnalasáhusa. Buohkat earát listtus ožžot ovttá jiena guhtege.



B

Don sáhtát addit persovdnajiena gitta golmma evttohassii dan bokte ahte bijat mearkka evttohasa nama báldii.



C

Bismagodderáđi válggain sáhtát addit jiena gitta golmma evttohassii eará listtuin. Searvegodderáđi válggain main lea okta listu sáhtát lasihit gitta golbma válgadohkálaš olbmo nama girkosuohkanis.

